

Bosna i Hercegovina
Federacija Bosne i Hercegovine
Tuzlanski kanton
Gad Tuzla
Služba za kulturu, sport, mlade
i socijalnu zaštitu
Broj: 17/11-A-16338-2025
Tuzla, 10.10.2025. godine

Na osnovu člana 5. Pravilnika o uslovima i postupku za ostvarivanje prava na besplatan javni linijski prevoz na području grada Tuzle („Službeni glasnik Grada Tuzla“, broj: 9/25 i 12/25), Služba za kulturu, sport, mlade i socijalnu zaštitu dana, 10.10.2025. godine, objavljuje:

JAVNI POZIV
za ostvarivanje prava osoba sa invaliditetom na besplatan javni linijski
prevoz na području grada Tuzle

I – Predmet javnog poziva

Predmet javnog poziva je ostvarivanje prava na besplatan javni linijski prevoz na području grada Tuzle.

II – Pravo učesća

Pravo na besplatan javni linijski prevoz po ovom Javnom pozivu mogu ostvariti sljedeće kategorije građana koje imaju prebivalište na području grada Tuzle:

- osobe sa 90% i 100% invaliditetom bez obzira na uzrok nastanka invaliditeta.

III – Prijave na javni poziv

Prijave na Javni poziv podnose se na propisanom prijavnom obrascu koji se objavljuje u prilogu ovog Javnog poziva, a može se preuzeti i u Centru za pružanje usluga građanima (Šalter sala) ili na službenoj internet stranici Grada Tuzle (grad.tuzla.ba).

Kao dokaz o ispunjavanju uslova za ostvarivanje prava na besplatan javni prevoz, uz prijavni obrazac, potrebno je dostaviti sljedeće dokumente:

- za osobe sa 90% i 100% invaliditetom bez obzira na uzrok nastanka invaliditeta – posljednji dokument (rješenje/nalaz/ocjenu/mišljenje i sl.) kojim je utvrđen stepen invaliditeta (90% ili 100%) izdat od strane institucije nadležne za obavljanje poslova medicinskog vještačenja (fotokopija);

Služba nadležna za provođenje procedure po javnom pozivu će po službenoj dužnosti izvršiti provjeru evidencije prebivališta za podnosioca prijave i članove zajedničkog porodičnog domaćinstva koji ostvaruju pravo na besplatan javni linijski prevoz na području grada Tuzle.

IV- Mjesto i rok prijave na javni poziv

Prijave na javni poziv s propisanom dokumentacijom predaju se u Centru za pružanje usluga građanima (Šalter sala) u zgradi Gradske uprave Tuzla. Javni poziv ostaje otvoren **do 31.12.2025. godine**. Ako se prilikom pregleda prijave utvrdi da nije priložen neki od propisanih dokaza, odnosno da je dokumentacija nepotpuna, nadležna Služba će pozvati podnosioca prijave da u roku od 8 dana izvrši dopunu dokumentacije. Za lica koja ne postupe po pozivu u ostavljenom roku, prijava će se smatrati nepotpunom.

Prijave dostavljene izvan predviđenog roka neće se uzeti u razmatranje.

V- Način objavljivanja rezultata i dodatne informacije

Nakon provođenja postupka pregleda prijava nadležna Služba će na službenoj internet stranici Grada Tuzle (grad.tuzla.ba) objaviti listu lica koja ispunjavaju uslove za ostvarivanje prava na besplatan javni prevoz. Lista će se redovno ažurirati u skladu sa pristiglim prijavama.

Licima koja ne ispunjavaju uslove javnog poziva biće dostavljena pismena obavijest sa obrazloženjem razloga o neispunjavanju uslova i mogućnosti podnošenja prigovora u roku od 8 dana od dana prijema obavijesti.

Lica kojima je utvrđeno pravo na besplatan javni linijski prevoz dužna su svakog mjeseca, najkasnije do desetog dana u mjesecu, pristupiti u službene prostorije pravnog lica koje obavlja javni linijski prevoz i, uz ličnu kartu, preuzeti besplatnu mjesečnu kartu. Ukoliko korisnik ne preuzme besplatnu mjesečnu kartu u navedenom roku, smatrat će se da je za taj mjesec odustao od korištenja prava na besplatan javni linijski prevoz.

Korisnici prava na besplatan javni prevoz dužni su nadležnoj gradskoj službi prijaviti svaku promjenu koja je od uticaja na prestanak prava, u roku od 15 dana od dana nastale promjene.

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle putem telefona: 035 307-414, 307-327 i 307-304, ili slanjem pitanja na e-mail adrese: davor.piljic@tuzla.ba, ahmet.kesetovic@tuzla.ba, mirza.meskovic@tuzla.ba

Napomena: Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

**Služba za kulturu, sport,
mlade i socijalnu zaštitu**